

MAMAN

la VÔS dai FURLANS



Projet promovût di 'La Vôs dai Furlans' e 'ARLeF'

Lu saveviso che...?

Il carton de setemane



Francute e 'Sef a son plens di pôre! A àn viodût svolâ i "cjossui spaurôs". Ce robe sarano mai?

Cjalin insieme la pontade di *Spîçut il Riçut "Ce pôre!"* su



Ducj, grançj e piçui, ogni tant a àn pôre. E je une emozion normâl che nus jude a stâ lontans dai pericui e a no fâsi mâl, come une buine amie. E funzione tant che une vosute che o sintin dentri di nô e che nus dîs "Ocjo! Stâ atent!". Ogni tant però e je grande: il cûr al bat di corse e la panze e dâl un pôc. Par fâle passâ e stâ miôr, ve ca doi conseis: respirâ ben planc, un pôc par volte e fevelâ cu la mame o cul papà. Lôr nus daran il consei just par frontâ chest moment!



cumò fâs tu!

Ce pôre! Cui sono? Induvine lis besteutis che si platin daûr di chestis ombis



Ridi a plene panze!

Cuâl isal il colm par un globul ros? Sparî de circolazione!

Piture il dissen!



Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS

Noa



Roc. Timp indaûr tu âs semenât une vore ben e cumò e je ore di cjapâ sù i risultâts.



Taur. Sul lavôr tu sêš une fuarce e ducj ti amirin, ma ancje la tô famee e merete il to timp.



Zimui. No tu rivis a dormî par un probleme che al sta par rivâ, ma no pierdi il sium ti judarâ a frontâlu miôr.



Gjambar. Chestis zornadis ti platin plui di une sorprese, soredut tai rapuarts cu lis personis.



Leon. Cualchidun al cîr di fâti inçopedâ, tu âs di moviti prime che si inacuazedi di jessi scuiert.



Vergjine. Lis stelis ti dan un biel sburt tai afârs di bêçs, tu âs di aprofitâ ancje parcè che l'air al zire.



Balance. Tu âs di sclarîti miôr cuntun ami che nol à capît ben parcè che tu ti comparti cussi.



Sgarpion. Tu âs salt tal cjâf un pinsîr che ti fâs rabiâ, ma cussi il probleme no tu lu disberdeis.



Sagjitari. Mole di pensâ che tu rivis a otignî dut, al è miôr contentâsi di dulâ che tu rivis, che al è za tant.



Bec di mont. Cualchi zornade tu sêš svearin, cualchi altre indurmidît, cjate une vie di mieç.



Agarûl. Tu âs pôre che i bêçs no ti bastedin, ma se tu vâs daûr dal to program no tu âs di vê pôre di nuie.



Pes. La invidie e je une brute bestie, soredut se tu le âs par chei che ti vuelin ben.

